



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2015. GODINU **STRANKE PENZIONERA-UMIROVLJENIKA BIH**

Broj: 03-07-6-336/16  
Sarajevo, 05.07.2017. godine

## SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole.....	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1 NALAZI.....	5
5.2. PREPORUKE.....	7

## **MIŠLJENJE REVIZORA**

Služba za reviziju finansiranja političkih stranaka izvršila je pregled godišnjeg finansijskog izvještaja Stranke penzionera-umirovljenika BiH za 2015. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

**Pregledom godišnjeg finansijskog izvještaja za 2015. godinu, utvrđeno je da je Stranka penzionera-umirovljenika BiH prekršila odredbe člana 6. stav (2), člana 8. stav (1), člana 11. i člana 12. Zakona o finansiranju političkih stranaka.**

**Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Stranke penzionera-umirovljenika BiH za 2015. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja<sup>1</sup>, Stranka penzionera-umirovljenika BiH se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	84.127,96	60,91
2.	Prilozi fizičkih lica ( 3-a )	0,00	0,00
3.	Prilozi pravnih lica ( 3-b )	300,00	0,22
4.	Prihodi od imovine ( 3-c )	32,70	0,02
5.	Prihodi od dobiti preduzeća u vlasništvu političke stranke ( 3-d )	0,00	0,00
6.	Prihodi od poklona ( 3-e )	2.461,20	1,78
7.	Prihodi iz budžeta ( 3-f )	51.204,16	37,07
8.	Prihodi od propagande ( 3-g )	0,00	0,00
9.	Ostali prihodi	0,00	0,00
<b>I</b>	<b>Ukupni prihodi (1-9)</b>	<b>138.126,02</b>	<b>100,00</b>
<b>II</b>	<b>Kreditno zaduženje kod banaka</b>	0,00	0,00
	<b>Izvori finansiranja (I+II)</b>	<b>138.126,02</b>	<b>100,00</b>

U godišnjem finansijskom izvještaju stranka je iskazala rashode u ukupnom iznosu od 135.472,17 KM.

## 2. PREDSTAVLJANJE POLITIČKE STRANKE

Naziv političke stranke je Stranka penzionera-umirovljenika BiH. Skraćeni naziv stranke je SP-U BiH.

Stranka penzionera-umirovljenika BiH registrovana je kod Općinskog suda u Sarajevu, rješenjem broj: R-I-4/02 od 23.04.2002. godine.

Sjedište političke stranke je u Sarajevu, Azize Šaćirbegović br. 2.

Lica ovlaštena za zastupanje stranke su: Sonja Akšmija, predsjednica i Dževahid Sokić, potpredsjednik. Lice ovlašteno za podnošenje finansijskih izvještaja za 2015. godinu je Azijada Lagumdžija.

Prema podacima iz godišnjeg finansijskog izvještaja za 2015. godinu, Stranka penzionera-umirovljenika BiH ima sljedeću organizacionu strukturu:

- Glavni odbor,
- 3 kantonalna odbora,
- gradske odbore Zenica i Mostar, i
- 27 općinskih odbora.

<sup>1</sup> Podaci iz ispravljenog obrasca 3 (izvori finansiranja) godišnjeg finansijskog izvještaja za 2015. godinu, koji je dostavljen 16.03.2017. godine.

### 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Stranke penzionera-umirovljenika BiH za 2015. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskih izvještaja Stranke penzionera-umirovljenika BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode od članarine.

### 4. PRETHODNE KONTROLE I REVIZIJE

Služba za reviziju je izvršila pregled i kontrolu godišnjih finansijskih izvještaja Stranke penzionera-umirovljenika BiH u periodu od 2005. do 2014. godine, nakon kojih su izdati izvještaji o reviziji sa mišljenjem revizora, nalazima i preporukama revizije.

Služba za reviziju izvršila je pregled godišnjeg finansijskog izvještaja Stranke penzionera-umirovljenika BiH za 2014. godinu, nakon čega je izdat izvještaj o pregledu sa mišljenjem revizora, nalazima i preporukama stranci da prijavljuje priloge, te da za iste izdaje potvrde o primljenim priložima, da priloge prima isključivo na račun centrale stranke, da uspostavi adekvatne evidencije o prihodima i rashodima u svojim poslovnim knjigama, da poslovne knjige za svoje opštinske odbore vodi u skladu sa Zakonom o računovodstvu i reviziji Federacije BiH i da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.

#### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2015. godinu, utvrđeno je da politička stranka nije ispoštovala preporuke revizije.

### 5. NALAZI I PREPORUKE

#### 5.1 NALAZI

#### **a) Stranka penzionera-umirovljenika BiH je prekršila odredbe člana 8. stav (1) i člana 6. stav (2) Zakona o finansiranju političkih stranaka.**

Općinska organizacije Stranke penzionera-umirovljenika BiH Jablanica je dana 15.01.2015. godine primila prilog Udruženja penzionera/umirovljenika Jablanica u iznosu od 300,00 KM, koji je u finansijskom izvještaju iskazala na obrascu 3-b (prilozi pravnih lica).

Na osnovu podataka koje je dostavila Općina Jablanica, utvrđeno je da se Udruženje penzionera/umirovljenika Jablanica tokom 2015. godine finansiralo sredstvima iz budžeta Općine Jablanica.

S obzirom da je Stranka penzionera-umirovljenika BiH primila prilog udruženja koje se finansiralo javnim sredstvima, u ukupnom iznosu od 300,00 KM, prekršila je odredbe člana 8. stav (1) tačka g. Zakona o finansiranju političkih stranaka.<sup>2</sup>

---

<sup>2</sup> Član 8. stav (1) tačka g. Zakona o finansiranju političkih stranaka propisuje da se finansiranje političkih stranaka zabranjuje sindikatima, udruženjima i drugim neprofitnim organizacijama koje se finansiraju javnim sredstvima bez obzira na iznos sredstava.

S obzirom da je prilog Udruženja penzionera/umirovljenika Općine Jablanica uplaćen na transakcijski račun Općinske organizacije SP-U BiH Jablanica, stranka je prekršila odredbu člana 6. stav (2) Zakona o finansiranju političkih stranaka<sup>3</sup>.

**b) Stranka penzionera-umirovljenika BiH prekršila je odredbe člana 11. i člana 12. Zakona o finansiranju političkih stranaka.**

Stranka penzionera-umirovljenika BiH nije vodila evidencije o prihodima, rashodima i obavezama, čime je prekršila odredbe člana 11. i člana 12. stav (1) Zakona o finansiranju političkih stranaka.

Uvidom u Završni račun za 2015. godinu utvrđeno je da je stranka Agenciji za finansijske, informatičke i posredničke usluge d.d Sarajevo podnijela izvještaj na nivou političke stranke. Pregledom dodatne finansijske dokumentacije, utvrđeno je da stranka nije vodila poslovne knjige za općinske odbore<sup>4</sup>, što je u suprotnosti sa Zakonom o računovodstvu i reviziji Federacije BiH.

Pregledom godišnjeg finansijskog izvještaja, utvrđeno je da Stranka penzionera-umirovljenika BiH nije popunila obrasce finansijskog izvještaja u skladu sa Pravilnikom o godišnjim finansijskim izvještajima političkih stranaka-u daljem tekstu: Pravilnik, čime su prekršene odredbe člana 12. stav (3) Zakona o finansiranju političkih stranaka.

(1) Kontrolom izvoda sa transakcijskog računa Glavnog odbora SP-U BiH, utvrđeno je da stranka nije u obrascu 2 (pregled prometa svih transakcijskih računa političke stranke) pravilno iskazala promet ostvaren tokom 2015. godine. Stranka je u obrascu 2 navela sljedeće podatke: promet ulaza u iznosu od 106.259,73 KM i promet izlaza u iznosu od 101.325,10 KM. Uvidom u izvode i poslovne knjige utvrđeno je da je promet ulaza iznosio 106.623,98KM, a promet izlaza 101.689,35 KM.

- Stranka nije pravilno iskazala ni podatke o početnom stanju i ukupnom prometu ulaza na transakcijskom računu Općinske organizacije SP-U BiH Jablanica broj: 1011510000048220. U finansijskom izvještaju stranka je iskazala početno stanje u iznosu od 300,00 KM i promet ulaza u iznosu od 288,80 KM. Prema podacima iz izvoda sa transakcijskog računa, stranka na dan 01.01.2015. godine nije imala novčanih sredstava na ovom računu, dok je ukupan promet ulaza u 2015. godini iznosio 588,80 KM.

(2) Uvidom u naloge isplate OO SP-U BiH Donji Vakuf, utvrđeno je da nije izvršen obračun i plaćanje poreza i doprinosa na naknade za rad isplaćene predsjedniku i sekretaru ovog organizacionog dijela stranke u ukupnom iznosu od 2.900,00 KM, te da stranka nije u Završnom računu za 2015. godinu i godišnjem finansijskom izvještaju iskazala troškove i obaveze po ovom osnovu.

Takođe, uvidom u obrazac 4.1 Općinske organizacije SP-U BiH Jablanica, utvrđeno je da stranka nije iskazala troškove poreza i doprinosa na naknade za rad i prisustvo sjednicama u ukupnom iznosu od 330,00 KM, što ukazuje da stranka nije obračunala niti platila porez i doprinose na naknade.

(3) Stranka u obrascima 4.1 (Režijsko-administrativni i ostali troškovi) i 4 (rashodi političke stranke) godišnjeg finansijskog izvještaja nije adekvatno iskazala troškove zakupa, čime je prekršila odredbe člana 21. i člana 22. Pravilnika.

Uvidom u dodatnu dokumentaciju, utvrđeno je da je stranka troškove zakupa poslovnih prostora koje su koristile općinske organizacije Bihać i Maglaj iskazala u manjem iznosu u odnosu na ugovorenu cijenu zakupa za 208,56 KM, odnosno 300,00 KM.

<sup>3</sup> Članom 6. stav (2) Zakona o finansiranju političkih stranaka propisano je da se dobrovoljni prilozi u novcu uplaćuju na transakcijski račun centrale političke stranke.

<sup>4</sup> Stranka je vodila poslovne knjige samo za Glavni odbor stranke.

- (4) Uvidom u obrazac 5.2 (Ostale obaveze) finansijskog izvještaja, utvrđeno je da stranka nije pravilno iskazala obaveze prema Gradu Bihać, čime je prekršila odredbe člana 24. Pravilnika. Prema podacima koje je dostavio Grad Bihać, obaveze stranke na dan 31.12.2015. godine iznose 441,89 KM. Stranka je, međutim, iskazala obaveze u iznosu od 291,90 KM.

S obzirom da stranka nije evidentirala sve rashode, tako ni obaveze nisu iskazane u finansijskom izvještaju na dan 31.12.2015. godine.

## 5.2. PREPORUKE

*Preporučuje se Stranci penzionera-umirovljenika BiH da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da se, u skladu sa članom 6. stav (2) Zakona, dobrovoljni prilozi u novcu uplaćuju na transakcijski račun centrale političke stranke,*
- *da ne prima donacije koje su zakonom zabranjene,*
- *da poslovne knjige vodi u skladu sa računovodstvenim propisima, odnosno da vodi potpune i tačne evidencije o prihodima, rashodima i obavezama,*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i*
- *da poštuje i druge propise, prevashodno poreske iz kojih proističu dodatni troškovi i obaveze.*

### **KOMENTAR:**

Stranka penzionera-umirovljenika BiH je u ostavljenom roku dostavila odgovor na Preliminarni izvještaj o pregledu godišnjeg finansijskog izvještaja za 2015. godinu.

Služba za reviziju je uvažila argumentovanu primjedbu stranke i u tom dijelu korigovala nalaze revizije.

Šef Odsjeka za revizijske poslove, revizor

Sanja Tošović

Pomoćnik revizora

Anela Burdžović Kapić

Šef Službe za reviziju

Mr.sc Hasida Gušić